

likuljau kata kakedriyan

ka sicuayan izuaza matjatjelu a kadjunangan i Tailiku, ru tjeacacuan arave a kipapacun a likuljau. aicu a likuljau nuri penasaqetju ta caucau a pitjaisangas, galugu anan a papacun ta kina remekutj nimadju, pai sa nu inianan a sepualang ta kinakemudan nimadju, na maipug anga sun ta su rekutjan. nuri keman timadju tjanusun, tjara madjuludjulu anga a sengesengan.

pai tucu a qadaw, izua macidilj a vavayan a nakemacu tua madrusa a aljak a semapana a venateq. pakivangavangen anan azua madrusa a aljak nimadju ita vudavudas, qau ljeteku ta vudavudas sa vateq i ljaviyaving ta pana timadju. azua madrusa aljak nusauni djemumudjumulj ta vudas, nusauni makakikalukaluc ta alai a pitalima niamadju, nusauni kivangavangavang a pucidilj, malevaleva aravac a kivangavangavangan tiamadju.

manu izua za ita likuljau penapintjus a mekekelj a paljelauz a kemasi gadu, azua venatevateq a vavayan ka pacun mintjus sa kavalit a mudingan, inika anga kapucug ta pakazuan, inianga ka sumavan a aljak, sa pakirimu a mekelj a mata zaljualjum a kiqilja, sa inianga keljakeljang tu siqaljuqaljudj anga a itung nimadju.

na tjemqang i taladj ta zaljum, sapapinequti a ngudjus tu sinasiyan, sa itjertjertjer a kinacavacavan a pulingetj. sa pacuni a madrusa aljak sa igeregereger a kinacavacavan nimadju. pai azua madrusa a kakedriyan kamayan a kivangavangavang i vudavudasan, inika kemljakeljang tu kemudamuda a i penalinguljan, sa inika na semumavan tu ljiadudut a pasa tjayamadju a kamakama na sacemel a likuljau a napaljelalain anga tjayamadju.

na semamalji uta, azua nakuya saka puqizing aravac a likuljau ka pacun taza madrusa a kakedriyan a inika na semumavan tu penalinguljan, inikeljakeljang tu izuanga a likuljau i palingulj tjayamadju, pasasamlji uta azua a likulju, ayatua na matavak tiamadju nusemainuanga, a qayaqayam anga a qemuzimuzip anga kata kana caucau anga nu semequ tu idudut anga men, neka nu inika na marekutj, sa patjatju kavilavilad a mavadavadai. manu anema sa madrusa? a inika na semaneanema tjanuitjen? cuaiang a pacucun a likuljau, ljakua inika napacun angata azua madrusa a kakedriyan, masavisavid sakamaya ta kivangavangan tiamadju. qau, pai sacugecugan a qulu na likuljau tjayamadju, sitailj a paqeteleng a qulu na likuljau na madrusa kakedriyan, neka angata nu rekutjan nuka kedrikedri, pai azua rakacan a puqizingan nua likuljau meneka anga isauniuni, matu na masi suqelaman a vaik izua.

nu tjapacunan, nu secengceng itjen ta na reminkutj a na puqizing a patailj, nu tja marekutj sun, uri tja madjaulj a su siseljekuyan, aicu a qizing kata namaqaran, a rekutjan kata taviqan na madjadjalan a makakaizua mamaw; nu na minseg a sun varung, nu neka nu su kinarekutjan, a namaya tuazua madrusa a kakedriyan a neka nu kinarekutjan, kumalji a “sipaljelalailaing anga a pacun” nua likuljau, ki inianga uri namasanemanga.

105 年全國語文競賽原住民族語朗讀【南排灣語】 高中學生組 編號 2 號
老虎與小孩

從前在大陸有三個地方，經常有老虎出沒。老虎出來傷人，總是先抖出牠的威風，使你還沒看清牠的真面目時，往往已自行嚇癱了。老虎再來收拾你，想必是十分輕鬆自如的事了。

這一天，一個婦女帶著兩個小孩到河邊洗衣服。她先讓兩個孩子在沙灘上玩耍，然後自己走下河灘，到河邊洗起衣服來。兩個孩子在沙灘上一會兒堆沙塔，一會兒用線繩在手上互相翻花，一會兒自己做遊戲，玩得十分高興。

突然，一隻老虎從沙灘那邊的山上奔了下來，正在洗衣的婦女見狀大驚失色，她慌不擇路，也顧不上小孩，自己趕緊跳進水裡躲避起來，連衣服被水漂走了她也不知道。

她彎在水中，只留兩個鼻孔在外出氣，渾身直打哆嗦。再看那兩個小孩，依然在沙灘上全神貫注地玩得起勁，全然不知道身邊發生了什麼事情，更沒注意到獸中之王老虎已在他們附近正朝他們「虎視眈眈」。

說來也怪，兇猛的老虎見兩個小孩旁若無人，根本就無視老虎的存在，反倒有些吃驚，因為牠見慣了的是牠所到之處，一切飛禽走獸和人都是聞風喪膽、四處逃竄的，眼前這兩個小孩是何物？竟如此不在乎？虎盯著小孩有好一會了，小孩並沒有看牠一眼，而是繼續他們的遊戲。接著，老虎又用頭去碰他們，兩個小孩只是隨意地用手撥開虎頭，一點害怕的表示也沒有，老虎那股兇猛的勁頭已全沒有了，牠好像很洩氣地走開了。

看起來，面對危險或貌似強大的敵人時，你越是害怕，可能越會招來災禍，這個強與弱，威懾與恐懼都是相依而存的；如果你鎮定、無所畏懼，甚至像兩個小孩子心裡根本沒有什麼怕的念頭，老虎的「虎視眈眈」也就成不了氣候了。